


諸經要集

牙廿

四百四十八
楹七

5-11-61



RECEIVED
MAY 11 1961
LIBRARY

諸經要集卷第二十

西明寺沙門釋道世集

雜要部第二十三

此有十三緣

述意緣

怨苦緣

八苦緣

虫寓緣

五辛緣

躑氣緣

便利緣

譙淨緣

鳴鍾緣

入衆緣

衰相緣

眠夢緣

雜行緣

述意緣第一

夫神理無聲因言詞以寫意言詞無迹緣文



禮

字以圖音故字為言蹄言為理筌音義合符
不可偏失是以文字應用弥綸宇宙雖迹繁
翰墨而理契乎神但以經論浩博具錄難周
記傳紛綸事有廣略所以導達羣方開示後
學設教緣迹煖然備悉訓俗事源鬱介咸在
搜檢條章討撮樞要緝綴翰墨具列前篇其
餘雜務汲引濟俗現可行者疏之於後冀令
昏昧漸除法燈遐照也

怨苦緣第二

如中阿含經云介時世尊告諸比丘衆生無
始生死長夜輪轉不知苦之本際諸比丘於
意云何若此大地一切草木以四指量斬以

為籌以數汝等長夜輪轉生死所依父母籌數已盡其諸父母數猶不盡諸比丘如是無始生死長夜輪轉不知苦之本際

佛告諸比丘汝等輪轉生死飲其母乳多於恒河及四大海水所以者何汝等長夜或生象中飲其母乳無量無數或生駝馬牛驢諸禽獸類飲其母乳其數無量汝等長夜棄於豕間膿血流出亦復如是或墮地獄畜生餓鬼髓血流出亦復如是佛告諸比丘汝等長夜輪轉生死所出身血甚多無數過於恒水及四大海汝於長夜曾生象中或截耳鼻頭尾四足其血無量或受馬駝驢牛禽獸類等

斷截耳鼻頭足四體其血無量或身壞命終
棄於冢間膿血流出其數無量或墮地獄畜
生餓鬼身壞命終其流血出亦復如是或長夜
輪轉生死喪失父母兄弟姊妹宗親知識或
喪失錢財爲之流淚甚多無量過四大海水
佛告諸比丘汝等見諸衆生安隱諸樂當作
是念我等長夜輪轉生死亦曾受斯樂其趣
無量或見諸衆生受諸苦惱當作是念我昔
長夜輪轉生死以來亦曾受如是之苦其數
無量或見諸衆生而生恐怖衣毛爲豎當作
是念我等過去必曾殺生爲傷害者爲惡知
識於無始生死長夜輪轉不知苦之本際或

見諸衆生愛念歡喜者當作是念如是過去
世時必爲我等父母兄弟姊妹妻子親屬師
友知識如是長夜生死輪轉無明所蓋愛繫
其頸故長夜輪轉不知苦之本際是故諸比
丘當如是學精勤方便斷除諸大莫令增長
亦時世尊即說偈言

一人一劫中

積聚其身骨

常積不腐壞

如毗富羅山

若諸聖弟子

正智見真諦

此苦及苦因

離苦得寂滅

修習八道跡

正向般涅槃

極至於七有

天人來往生

盡一切諸結

究竟於苦邊

佛告諸比丘衆生無始生死長夜輪轉不

苦之本際無有一處不生不死者如是長夜
無始生死不知苦之本際亦無有一處無父
母兄弟妻子眷屬宗親師長者譬如大雨滴
泡一生一滅如是衆生無明所蓋愛繫其頸
長夜輪轉不知苦之本際譬如普天大雨洪
澍東西南北無斷絕處如是四方無量國土
劫成劫壞如天大雨普雨天下無斷絕處長
夜輪轉不知苦之本際譬如擲杖空中或頭
落地或尾落地或中落地如是無始生死長
夜輪轉或墮地獄或墮畜生或墮餓鬼又正
法念經云介時夜摩天王爲諸天衆以要言
之於天人中有十六苦何等十六天人之中

善道所攝一者中陰苦二者住胎苦三者出胎苦四者希求食苦五者怨憎會苦六者於恩愛別離苦七者寒熱苦八者病苦九者他給使苦十者追求營作苦十一者近惡知識苦十二者妻子親里衰惱苦十三者飢渴苦十四者爲他輕毀苦十五者老苦十六者死苦如是十六人中苦於人世間乃至命終及餘衆苦於生死中不可堪忍於有爲中無有少樂一切無常一切敗壞尔時夜摩天王以

偈頌曰

於人世界中
有死必有生

有陰皆是苦
若住於中陰

有生必歸死
自業受苦惱

長夜遠行苦

此苦不可說

沒於屎尿中

熱氣之所燒

如是住胎苦

不可得具說

常貪於食味

其心常希望

於味變大苦

此苦不可說

心小常希望

於欲不知足

所受諸苦惱

此苦不可說

怨憎不愛會

猶如大火毒

所生諸苦惱

此苦不可說

於恩愛別離

衆生起大苦

大惡難堪忍

此苦不可說

寒熱大苦畏

生無量種苦

生無量種惡

此苦不可說

病苦害人命

病為死王使

衆生受斯苦

此苦不可說

為他所策使

常無有自在

衆生受斯苦

此苦不可說

愛毒燒衆生

追求受火苦

次第乃至死

此苦不可說

若近惡知識

眾苦常不斷

當受惡道苦

此苦不可說

妻子得衰惱

見則生大苦

出過於地獄

此苦不可說

飢渴自燒身

猶如猛炎火

能壞於身心

此苦不可說

常為輕賤他

親里及知識

生於憂悲苦

此苦不可說

人為老所壓

身羸心意劣

傴僂拄杖行

此苦不可說

人為死所執

從此至他世

是死為大苦

不可得宣說

八苦緣第三

如五王經云佛為五王說法云人生在世常

有無量眾苦切身今粗為汝等略說八苦何

謂八苦一生苦二老苦三病苦四死苦五恩
愛別苦六所求不得苦七怨憎會苦八憂悲
苦是爲八苦也何謂生苦人死之時不知精
神趣向何道未得生處普受中陰之形至其
三七日中父母和合便來受胎一七日如薄
酪二七日如稠酪三七日如凝酥四七日如
肉團五七日五胞成就巧風入腹吹其身體
六情開張在母腹中生藏之下熟藏之上母
嗽一杯熱食灌其身體如入鑊湯母飲一杯
冷水亦如寒水切身母飽之時迫近身體痛
不可言母飢之時腹中了也亦如倒懸受苦
無量至其滿月欲生之時頭向產門劇如雨

石峽山欲生之時母危父怖生墮草上身體
細軟草觸其身如履刀劍忽然失聲大呼此
是苦不諸人咸言此是大苦

何謂老苦謂父母養育至年長大自用強捷
擔輕負重不自裁量寒熱失度老年頭白齒
落日視眊耳聽不聰盛去衰至皮緩面皺
百節疼痛行步苦極坐起呻吟憂悲心惱識
神轉減便旋即忘命日促盡言之流涕坐起
須人此是苦不荅曰大苦

何謂病苦人有四大和合而成一大不調百
一病生四大不調四百四病同時俱作地大
不調舉身沉重水大不調舉身胖腫火大不

調舉身熱蒸風大不調舉身拙強百節甚痛
猶被杖楚四大進退手足不任氣力虛竭坐
起須人口燥脣焦筋斷鼻坼目不見色耳不
聞音不淨流出身卧其上心懷苦惱言趣悲
哀六親在側晝夜共看初不休息餽饌美食
入口皆苦此是苦不答曰實是大苦

何謂死苦人死之時四百四病同時俱作四
大欲散魂神不安欲死之時刀風解形無處
不痛白汗流出兩手摸空室家内外在其左
右憂悲涕泣痛徹骨髓不能自勝死者去之
風逝氣絕火滅身冷風先火次魂靈去矣身
體挺直無所復知旬日之間肉壞血流肝脹

爛臭甚不可近棄之曠野衆鳥噉食肉盡骨
乾髑髏異處此是苦不荅言實是大苦

何謂恩愛別苦謂室家內外兄弟妻子共相
戀慕一朝破亡爲人抄劫各自分張父東子
西母南女北非唯一處爲人奴婢各自悲呼
心肉斷絕杳杳冥冥無有相見之期此是苦

不荅言實是大苦

何謂所求不得苦家內錢財散用追趁大官
吏民望得富貴勤苦求之不止會遇得之而
作邊境令長未經幾時貪取民物爲人告言
一朝有事檻車立待欲殺之時憂苦無量不
知死活何日此是苦不荅言實是大苦

何謂怨憎會苦世人薄俗共居愛欲之中爭
不急之事更相殺害遂成大怨各自相避隱
藏無地各磨刀錯箭挾弓持杖恐畏相見會
遇狹道相逢張弓澍箭兩刃相向不知勝負
是誰當介之時怖畏無量此是苦不答曰實
是大苦

何謂憂悲苦惱謂人生在世長命者乃至百
歲短命者胞胎傷墮長命之者與其百歲夜
消其半餘年五十在其酒醉疾病不知作人
減少五歲小時愚癡至年十五未知禮儀年
過八十志鈍無智耳聾目冥無有法則復減
二十年已九十年過餘有十歲之中多諸憂

愁天下欲亂時亦愁天下旱時亦愁天下大水亦愁天下大霜亦愁天下不熟亦愁家室內外多諸疾病亦愁持家財物治生恐失亦愁官家百調未及輸亦愁家人遭官繫閉牢獄未知出期亦愁兄弟遠行未歸亦愁居家窮寒無有衣食亦愁比舍村落有事亦愁社稷不辦亦愁室家死亡無有財物殯葬亦愁至春種作無有耕牛亦愁如是種種憂悲無有樂時至其節日共相集聚應當歡樂方共悲啼相向此是苦不咎言實是大苦又金色王經云有一天女向金色王而說偈言

何法名爲苦

所謂貧窮是

何苦最爲重

所謂貧窮苦

死苦與貧窮

二苦等無異

寧當受死苦

不用貧窮生

玉寓緣第四

如禪秘要經云復次舍利弗若行者入禪定
時欲覺起貪婬風動四百四脉從眼至身根
一時動搖諸情閉塞動於心風使心顛狂因
是發狂鬼魅所著晝夜思欲如救頭然當疾
治之治之法者教此行者觀子藏子藏者在
生藏下孰藏之上九十九重膜如死豬胞四
百四脉從於子藏猶如樹枝布散諸根如盛
屎囊一千九百節似芭蕉葉八十戶玉圍繞
周匝一百四脉及以子藏猶如馬腸直至產

門如臂釧形團圓大小上圓下尖狀如貝齒
九十九重一一重間有四百四重一一重有
十二頭十二口人飲水時水精入脉布散諸
重入毗羅重頂直至產門半月半月出不淨
水諸重各吐猶如敗膿入九十重口中從十
二重六竅中出如敗絳汁復有諸重細於秋
毫遊戲其中諸男子等宿惡罪故四百四脉
從眼根布散四肢流注諸腸至生藏下熟藏
上肺脾腎脉於其兩邊各有六十四重各十
二頭亦十二口宛繚相著狀如指環盛青色
膿如野豬精臭惡叵甚至藏陰處分為三支
二九在上如芭蕉葉有一千二百脉一一脉

中生於風。虫細若秋毫。似毗蘭多鳥。紫茸諸虫。

中生筋色。虫

此虫形體似筋。連持子。歲能動。諸脉吸精出入。男虫青。白女虫。

赤紅七万八千。共相纏裹。狀如螺環。似瞿師羅。

鳥眼九十八脉。上衝於心。乃至頂髻。諸男子。

等眼觸於色。風動心相。四百四脉。為風所使。

動轉不停。八十户。虫一時張口。眼出諸膿。流。

注諸脉。乃至虫頂。諸虫崩動。狂無所知。觸前。

女根。男精青白。是諸虫。淚女精黃赤。是諸虫。

膿九十八。使所熏。修法八十户。虫地水火風。

之所動作。

佛告舍利弗。若有四衆。著慙愧衣服。慙愧藥。

欲求解脫。度世苦者。當學此法。如飲甘露。學。

此法者想前子藏乃至女根男子身分大小
諸虫張口豎牙瞋目吐膿以手反之置左膝
端數息令定一千九百九十九過觀此想成
已置右膝端如前觀之復以手反之用覆頭
上令此諸虫衆不淨物先適兩眼耳鼻及口
無處不至見此事已於好女色及好男色乃
至天子天女若眼視之如見癩人那利瘡虫
如地獄箭半多羅鬼神狀如阿鼻地獄猛火
熱焰應當諦觀自身他身是欲界一切衆生
身分不淨皆悉如是舍利弗汝今知不衆生
身根根本種子悉不清淨不可具說但當數
息一心觀之若服此藥是大丈夫天人之師

調御人主免欲淤泥不爲欲水恩愛大河之
所漂沒媿佚不祥幻色妖鬼之所嫉害當知
是人未出生死其身香潔如優波羅人中香
象龍王力士摩醯首羅所不能及大力丈夫
天人所敬佛告舍利弗汝好受持爲四衆說
慎勿忘失時舍利弗及阿難等聞佛所說歡
喜奉行

又正法念經云比丘修行者如實見身從頭
至足循身觀察彼以聞慧或以天眼見觸體
內自有虫行名曰腦行遊行骨內生於腦中
或行或住當食此腦復有諸虫住觸體中若
行若食還食觸體復有髮虫住於骨外食於

髮根以虫瞋故令髮墮落復有耳虫住在耳
中食耳中肉以虫瞋故令人耳痛或令耳聾
復有鼻虫住在鼻中食鼻中肉以虫瞋故能
令其人飲食不美腦涎流下以虫食腦涎是
故令人飲食不美復有脂虫生在脂中住於
脂中常食人脂以虫瞋故令人頭痛復有續
虫生於節間有名身虫住入人牙以虫瞋故令
人脉痛猶如針刺復有諸虫名曰食涎住舌
根中以虫瞋故令人口燥復有諸虫名曰牙
根中住於牙根以虫瞋故令人牙疼復有諸
虫名嘔吐虫以食違故多生嘔吐是故名内
修行者偕身觀是十種虫住於頭中或以聞

慧或以天眼初觀咽喉有虫名曰食涎齟嚼
食時猶如嘔吐涎唾和雜欲咽之時與腦涎
合喉中涎虫共食此食以自活命若虫增長
令人嗽病若多食膩或多食垢或食熏食或
食醋食或食冷食虫則增長令人咽喉生於
病疾復以聞慧或以天眼見消唾虫住咽喉
中若人不食如上膩等虫則安隱能消於唾
於十脉中流出美味安隱受樂若人多唾虫
則得病以虫病故則吐冷沫故胃中成病復
以聞慧或以天眼觀於吐虫住人身中住於
十脉流注之處若人食時如是之虫從下脉
中涌身上行至咽喉中即令人吐生於五種

嘔吐一風吐二癩吐三唾吐四雜吐五蠅吐若
虫安隱則於胃口順入腹中復以聞慧或以
天眼見蠅食不淨故蠅入咽喉中令吐虫動
則便大吐復以聞慧或以天眼見醉味虫行
於舌端乃至令脉於其中間或行或住微細
無足若食美食虫則昏醉增長若食不美虫
則痿弱若我不食醉虫則病不得安隱復以
聞慧或以天眼見放逸虫住於頂上若至腦
門令人疾病若至頂上令人生瘡若至咽喉
猶如蟻子滿咽喉中若住本處病則不生復
以聞慧或以天眼見六味虫所食嗜味者我
亦貪嗜隨此味虫所不嗜者我亦不便若得熱

病亟亦先得如是熱病以是過故令於病人
所食不美無有食味復以聞慧或以天眼見
杼氣亟以瞋恚故食腦作孔或咽喉痛或咽
喉塞生於死苦此杼氣亟共咽喉中一切諸
亟皆悉撩亂生諸痛惱此杼氣亟常為唾覆
其亟短小有面有足復以聞慧或以天眼見
憎味亟住於頭下咽喉根中云何此亟為我
病惱或作安隱彼見此亟憎疾諸味唯嗜一
味或嗜甜味憎於餘味或嗜醋味憎於餘味
隨所憎味我亦憎之隨亟所嗜我亦嗜之舌
端有脉隨順於味令亟乾燥以亟瞋故令舌
瘠瘠而重或令咽喉即得微病若不瞋恚咽

喉則無如上諸病復以聞慧或以天眼見嗜
睡虫其形微細狀如牖塵住一切脉流行趣
味住骨髓內或住肉內或觸髓內或在頰內
或齒骨內或咽骨中或在耳中或在眼中或
在鼻中或在鬚髮此嗜睡虫風吹流轉若此
虫病若虫疲極住於心中心如蓮華晝則開
張無日光故夜則還合心亦如是虫住其中
多取境界諸根疲極虫則睡眠人亦睡眠一
切衆生悉有睡眠若此睡虫晝日疲極人亦
睡眠復以聞慧或以天眼見有腫虫行於身
中其身微細隨虫飲血處則有腫起瘡瘡而
疼或在面上或在頂上或在咽喉或在腦門

或在餘處所在之處能令生腫若住筋中則
無病苦復以聞慧或以天眼見十種虫至於
肝肺人則得病何等爲十一名食毛虫二名
孔穴行虫三名禪都摩羅虫四名赤虫五名
食汁虫六名毛燈虫七名瞋血虫八名食肉
虫九名瘡瘡虫十名醋虫此諸虫等其形微
細無足無目行於血中痛癢爲相復以聞慧
或以天眼見食毛虫若起瞋恚能嗽鬚眉皆
令墮落令人癩病若孔穴行虫而起瞋恚行
於血中令身麤澀頭痺無知若禪都摩羅虫
流行血中或在鼻中或在口中令人口鼻皆
悉凡惡若其赤虫而起瞋恚行於血中能令

其人咽喉生瘡若食汁虫而起瞋恚行於血
中令人身體作青癩瘦或黑或黃癩瘦之病
若毛燈虫起於瞋恚血中流行則生病苦瘡
癬熱黃疥癩破裂若瞋血虫以瞋恚故血中
流行或作赤病女人赤下身體搔痒疥瘡膿
爛若食血虫瞋而生病惱頭旋迴轉於咽喉
中口中生瘡下門生瘡若瘡瘡虫血中流行
則生病疾疲頓困極不欲飲食若醋虫瞋恚
亦令其人得如是病復觀十種虫行於陰中
何等爲十一名生瘡虫二名刺虫三名閉筋
虫四名動脉虫五名食皮虫六名動脂虫七
名和集虫八名臭虫九名濕生虫十名熱虫

復以聞慧或以天眼見於瘡，垂隨有瘡處。諸
垂圍遶嗽食，此瘡或於咽喉而生瘡病。或見
刺垂若生瞋，恚令人下痢，猶如火燒口中，乾
燥飲食不消。若人愁惱，垂則歡喜，噬人血脉
以爲衰惱。或下赤血，或不消下痢，或見閉筋
垂行於鹿筋，或行細筋。若覺垂行筋，則疼痛
若不覺行筋，則不疼。一切骨肉皆亦消瘦。筋
中疼痛，若垂瞋，恚人不能食。若住筋中而飲
人血，令人無力。若食人肉，令人羸瘦。或見動
脉垂，是垂遍行一切脉中，其身微細，行無障
礙。若垂住入食脉之中，則有病。過令身乾燥
不喜飲食。若垂住水脉之中，則有病。生令口

乾燥若在汗脉令人一切毛孔無汗若在尿脉令人淋病或令精壞或令痛苦若虫瞋恚行下門中令人大便閉塞不通苦惱垂死或見食皮虫以食過故虫則瞋恚令人面色醜惡或生惡皰或痒或赤或黃或破或復令其髮爪墮落令人惡病或皮斷壞或肉爛壞或見動脂虫住在身中脂脉之內若食有過若多睡眠此虫則瞋不消飲食或生疥瘡或生惡腫毛根癩病或得癭病或脉脹或乾消或身臭病或食時流汗或見和集虫集二種身一者覺身二者不覺身皮肉血等是名覺身髮爪齒等是名不覺身以食過故虫則無力

人亦無力不能速疾行來往返睡眠夢覺或多
多焦渴皮肉骨髓精損減或見臭虫住在
肉中屎尿之中以食過故虫則瞋恚身肉屎
尿唾涕皆臭鼻中爛膿或眼淚爛臭隨虫行
處皆悉臭穢若衣若敷若食住在齒中以虫
臭故食亦隨臭衣敷盡臭舌上多有血垢臭
穢身垢亦臭或見濕行虫行背肉中知食消
已入鬻三孔取人糞穢汁則成尿滓則爲糞
令入下門復次修行觀者內身循身觀觀十
種虫行於身中一切人身皆從中出何等爲
十一名瘡瘡虫二名癩癩虫三名笛華虫四
名火焰虫五名黑虫六名太食虫七名暖行

虫八名作熱虫九名火虫十名大火虫此諸
虫等住陰黃中復以聞慧或以天眼見瘡瘡
虫以食過故虫則瞋恚食人眼暗令人眼痒
多出眵淚此微細虫若行眼中眼則多病或
令目壞若入睛中眼生白翳其虫赤色若虫
不瞋則無此病或見燉燉虫住在人身行於
陰中陰黃覆身若入骨中令人蒸熱若行皮
中晝夜常熱手足皆熱若入皮裏身則汗出
或見苗華虫行住陰中利鬣短足身如火葳
不欲食飲隨所行處則大熱爛身肉增長其
身蒸熱若虫順行則無此疾或見火焰虫住
在身中行黃陰中或安不安以食過故虫則

瞋恚從頂至足行無障礙能令身中一切熱
血生於熱瘡若血若陰行於口中耳中流出
若虫不瞋則無此病或見黑虫住在身內行
於黃中或安不安以食過故虫則瞋恚令人
面皺或生多麤或黑或黃或赤或令身臭或
令雀目或口中生瘡或大小便處生瘡若虫
不瞋則無此病或見大食虫以食過故則生
瞋恚住陰黃中隨食消化若虫不瞋則無此
病或見暖行虫常愛暖食憎於冷食若我食
冷虫則瞋恚口多出水或竅或睡或心陰臺
曹或身疼強或復多唾或咽喉病若虫不瞋
則無此病或見熱虫住人身中以食過故病

垢增長妨出入息令身龐大或咽喉塞令大小便悉皆白色不愛寒冷不受淡食或見食火虫住在身內行住陰中此虫寒時則便歡喜熱時痿弱寒歡喜故人則憶食熱時火增不欲飲食於冬寒時陰則清涼熱則陰發或見大火虫若人性不便而強食之以食過收虫則瞋恚嗽身內虫令人腸痛或脚手疼隨食虫處則皆疼痛若虫不瞋則無如上復次修行者內身循身觀彼以聞慧或以天眼觀於骨中有十種虫何等為十一名舐骨虫二名齒骨虫三名割節虫四名赤口臭虫五名爛虫六名赤口虫七名頭頭摩虫八名食皮虫

九名風刀虫十名刀口虫如此十虫行於骨
中違情損身不可具述復次修行者內身循
身觀復以聞慧或以天眼見十穢虫行於尿
中何等爲十一名生虫二名針口虫三名節
虫四名無足虫五名散汁虫六名三焦虫七
名破腸虫八名閉塞虫九名喜色虫十名穢
門瘡虫其毛可惡住糞穢中此十種虫若違
性瞋故亦損人身備在經文不可具述復次
修行者內身循身觀復以聞慧或以天眼見
十種虫行於髓中有行精虫何等爲十一名
毛虫二名黑口虫三名無力虫四名大痛虫
五名煩悶虫六名火虫七名滑虫八名下流

垂九名起身根垂十名憶念歡喜垂此之十
垂若違性瞋故亦損人身具如經說不可具
述

五辛緣第五

如楞伽經云佛言大慧如是一切葱韭蒜臭
穢不淨能障聖道亦障世間人天淨處何況
諸佛淨土果報酒亦如是又涅槃經云乃至
食葱韭蒜薤亦皆如是當生苦處穢汚不淨
能障聖道亦障世間人天淨處何況諸佛淨
土果報酒亦如是能障聖道能損善業能生
諸過又雜阿含經云不應食五辛何等為五
一者木葱二者荖葱三者蒜四者興渠五者

蘭葱又梵網經云若佛子不得食五辛大蒜
茗葱慈葱蘭葱興渠是五種不得食又五辛
報應經云七衆等不得食肉葷辛讀誦經論
得罪有病開在伽藍外白衣家服已滿四十
九日香湯澡浴竟然後許讀誦經論不犯又
僧祇十誦五分律等更無餘治開病比丘服
蒜聽七日在一邊小房內不得卧僧床禪衆
大小便處講堂處皆不得到又不得受請及
僧中食不得就佛禮拜得在下風處遙禮一
日滿已澡浴熏衣方得入衆若有患瘡醫教
須香治者佛令先供養佛已然後許塗身還
在屏處一同前法

出家性潔尚令作法如是
况穢俗凡夫輒開食耶

嚏氣緣第六

如僧祇律云若在禪坊中嚏者不得放恣大
嚏若嚏來時當忍以手掩鼻若不可忍者以
手遮鼻而嚏勿令涕唾汚比座若上座嚏者
應言和南下座嚏默然又四分律云時世尊
嚏諸比丘呪願言長壽時有居士嚏及禮拜
比丘佛令比丘呪願言長壽又僧祇律云佛
言若急下風來當制若不可忍者當向下座
不得在前縱氣若氣來不可忍者當下道在
下風放之又毗尼母經云氣有二種一者上
氣二者下氣上氣欲出時莫當人張口令出
要迴面向無人處張口令出若下氣欲出時不

聽衆中出要作方便出外至無人處令出然
後來入衆莫使衆譏嫌汚賤入塔時不應放
下氣安塔樹下大衆中皆不得令出氣師前
大德上座前亦不得放下風出聲若腹中有
病急者應出外去莫令人生汚賤心
便利緣第七

如優鉢祇王經云伽藍法界地漫大小行者
五百身墮拔波地獄經二十小劫常遣肘手
抱此大小便處臭穢之地乃至黃泉又毗尼
母經云諸比丘住處房前閑處小便汚地臭
氣皆不可行佛聞之告諸比丘從今已去不
聽諸比丘僧伽藍處處小行當聚一屏猥處若

瓦瓶若木筩埋地中小行已以物蓋頭莫令
有臭氣若上廁去時應先取籌草至戶前三
彈指作聲若人非人令得覺知若無籌不得
壁上找不得廁板梁杙上找不得用石不得
青草土塊軟木皮軟葉竒木皆不得用所應
用者木竹篲作籌度量法極長者一揲手短
者四指已用者不得振令污淨者不得著淨
籌中是名上廁用籌法上廁有二處一者起
止處二者用水處用水處坐起褰衣一切如
起止處無異廁戶前著淨瓶水復應著一小
瓶若自有瓶者當自用若無瓶者用廁邊小
瓶不得直用僧大瓶水令汚是名上廁用水

法塔前衆僧前和尚阿闍黎前不得張口大
涕唾著地若欲涕唾者當屏猥處莫令人惡
賤是涕唾法又三千威儀中云若不洗大小
便比丘得突吉羅罪亦不得淨僧坐具上坐
及禮三寶設禮無福德又至舍後上廁有二
十五種事一欲大小便當行時不得道上爲
上座作禮二亦莫受人禮三往時當直低頭
視地四往當三彈指五已有人彈指不得逼
六已上正在彈指乃踞身七正踞中坐八不
得一足前一足却九不得令身倚十斂衣不
得使垂圍中十一不得大咽使面赤十二當
直視前不得顧聽十三不得汚壁十四不得

低頭視園中十五不得視陰十六不得以手
持陰十七不得草盡地十八不得持草盡壁
作字十九用水不得大費二十不得污濺二
十一用水不得使前手著後手二十二用土
當三過二十三當用澡豆二十四得三過用
水二十五設見水草土盡語直日王者若自
手取爲善又僧祇律云大小行已不用水洗
而受用僧坐具床褥得罪又十誦律云不洗
大行處不得坐卧僧卧具上得罪又摩得勒伽
論云不洗大小行處不得禮拜除無水處若
爲非人所瞋水神所瞋或爲服藥等開不犯
又雜譬喻經云有一比丘不彈指來大小便

瀆汚中鬼面上魔鬼大恚欲殺沙門持戒魔

鬼隨逐伺覓其短不能得便

既知此事上廟
必須警咳作聲

又賢愚經云昔佛在世時舍衛城中有一貧

人名曰尼提極貧下賤常客除糞佛知應度

即將阿難往到其所正值尼提擔糞出城而

欲棄之瓶破汚身遙見世尊深生慚愧不忍

見佛佛到其所廣為說法即生信心欲得出

家佛使阿難將至河中與水洗訖將詣祇洹

佛為說法得須陀洹尋即出家得阿羅漢果

國人及王聞其出家皆生怨恨云何佛聽此

人出家波斯匿王即往佛所欲破此事正值

尼提在祇洹門大石上坐縫補故衣七百諸

天香華供養王見歡喜請通白佛尼提比丘
身沒石中出入自在通白已竟王到佛所先
問此事向者比丘姓字何等佛告王曰是王
國中下賤之人除糞尼提王聞佛語謗心即
除到尼提所執足作禮懺悔辭謝王白佛言
尼提比丘宿作何業受此賤身佛告王曰昔
迦葉佛入涅槃後有一比丘出家自在秉提
僧事身暫有患懶起出入便利器中使一弟
子擔往弃之然其弟子是須陀洹以是因緣
流浪生死恒爲下賤五百世中爲人除糞由
昔出家持戒功德今得值佛出家得道以是
義故不得房內便利具招前報數見俗人懈

急不能自運置穢器房中便利令他日別將
弃未來定墮地獄縱得出獄猶作猪狗蜚虻
廁中穢虫也又佛說除灾患經云佛告阿難
乃前世過去迦葉佛時人壽二万歲佛事終
竟復捨壽命尔時有王名曰善頭供養舍利
起七寶塔高一由延一切衆生然燈燒香香
華繒綵供養禮事時有衆女欲供養塔便共
相率掃除塔地時有狗糞汚穢塔地時有一
女人手撮除弃復有一人見其以手除地狗
糞便唾笑之曰汝手已汚不可復近彼女逆
罵汝弊姪物水洗我手便可復淨佛天人師
敬意無已手除不淨已便澡手遶塔求願今

掃塔地污穢得除今我世世勞垢消滅清淨
無穢時諸女人掃塔地者今此會中諸女人
是尔時掃地願滅塵勞服甘露味尔時以手
除狗糞女者今柰女是尔時發願不與污穢
會所生清淨以是福報不因胞胎臭穢之處
每因華生以其尔時發一惡聲罵言姪女故
今受是姪女之名值佛聞法得須陀洹又雜
寶藏經云南天竺法家有一童女必使早起
淨掃庭中門戶左右有長者女早起掃地會
值如來於門前過見生歡喜注意看佛壽命
全促即終生天夫生天者法有三念自思惟
言本是何身自知人身今生何處定知是天

昔作何業來生於此知由見佛歡喜善業得
此果報感佛重恩來供養佛佛為說法得須
陀洹又新婆沙論云昔怛叉尸羅國有一女
人至月光王捨千頭處禮無憂王所起靈廟
見有狗糞在佛座前尋作是思此處清淨如
何狗糞污穢其中以手捧除香泥塗飾善業
力故今此女人遍體生香如栴檀樹口中常
出青蓮華香若諸衆生由不護淨故因內煩
惱感諸外穢故論頌言

世間諸穢草

能穢汚良田

如是諸貪穢

穢汚諸含識

世間諸穢草

能穢汚良田

如是諸瞋穢

穢汚諸含識

又賢愚經云佛在世時羅閱城邊有一汪水
汚泥不淨多諸糞穢國中人民以屎尿投中有
一大虫其形像虵加有四足於其汪水東西馳
走或沒或出經歷年載常處其中受苦無量
尔時世尊將諸比丘至彼坑所問諸比丘汝
識此虫宿緣行不諸比丘咸皆不知佛告比
丘毗婆尸佛時有衆賈客入海取寶大獲珍
寶平安還到選寶上者用施衆僧規俟僧食
僧受其寶付授摩摩帝於後僧食向盡乃從
其索不與衆僧苦索摩摩帝瞋恚而語之言
汝曹噉屎此寶屬我何緣乃索由其欺僧惡
口罵故身壞命終墮阿鼻獄身常宛轉沸屎

之中九十一劫乃從獄出今墮此中自從十
佛已來皆作其至賢劫千佛各各皆尔又
百緣經云佛在王舍城迦蘭陀竹林時尊者
舍利弗大目犍連設欲食時先觀地獄畜生
餓鬼然後方食目連見一餓鬼身如焦柱腹
如大山咽如細針髮如錐刀纏刺其身諸
節間皆悉火出呻吟大喚四向馳走求索屎
尿以爲飲食疲苦終日而不能得即問鬼言
汝造何業受如是苦餓鬼答言有日之處不
煩燈燭如來世尊今現在世汝可自問我今
飢渴不能吞汝尔時目連尋往佛所具問如
來所造業行受如是苦具以上問尔時世尊

告目連曰汝今善聽吾爲汝說此賢劫中
衛城中有一長者財寶無量不可稱計常令
僕使壓甘蔗汁以輸大家有辟支佛甚患渴
病良醫處藥教服甘蔗汁病乃可瘥時辟支
佛往長者家乞甘蔗汁時彼長者見來歡喜
尋勅其婦富那竒我有急緣定欲出去汝今
在後取甘蔗汁施辟支佛時婦荅言汝但出
去我後自與時夫出已取辟支佛鉢於其屏
處小便鉢中以甘蔗汁蓋覆鉢上與辟支佛
辟支受已尋知非是投弃於地空鉢還歸其
後命終墮餓鬼中常爲飢渴所見逼切以是
業緣受如是苦佛告目連欲知今時彼長者

婦今富那奇餓鬼是佛說是時諸比丘等捨
慳貪緣厭惡生死有得四沙門果者有發辟
支佛心者有發無上菩提心者亦時諸比丘
聞佛所說歡喜奉行

護淨緣第八

如十誦律云如何漱口佛言以水著口中三
迴轉之是名淨口法又僧祇律云亦時世尊
大會說法有比丘口臭在下風而住佛知而
故問是比丘何故獨坐荅言世尊制戒不聽
嚼木所以口臭恐熏汚人故在下風佛言聽
用嚼木極長者六指極短四指已上嚼時當
在弃處先淨洗手嚼已水洗弃之嚼時不得

因之若醫言爲瘞病須咽者聽若無齒者當
用灰鹵土塼薑石草木洗口已食若食上欲
行水當淨水先洗手器然後行水若手汚者
當以葉承取若口飲時不得沒脣使器著額
當拄脣而飲飲時不得盡飲當留少許淘蕩
已從口處弃之行水當好護淨器若見沒脣
著額者當放置一處以草作識令人知不淨
若作非時漿飲亦如前法又僧祇律云比丘
晨起應淨洗手不得麤洗五指復不得齊至
腋當齊手腕以前令淨不得粗魯洗不得揩
令血出當以巨摩草末若灰土澡豆皂莢洗
手揩令作聲淨洗手已更相揩者便名不淨

應更洗手比丘食前當護手若摩頭捉衣等

更須洗

比丘尚亦然

讀經受食等准用行之手

淨尚尔何況手殺生命飲血噉肉以汚身口

縱欲傳法心亦不淨又四分律云時諸比丘

患屋內臭佛言應掃灑若故臭以香泥泥若

復臭應屋四角懸香又十誦律云時有比丘

不嚼楊枝口中氣臭白佛佛言聽嚼楊枝

有五利益一口不苦二口不臭三除風四除

熱病五除痰癢復有五事利益一除風二除

熱三口味四能食五眼明又四分律云不嚼

楊枝有五過失一口氣臭二不善別味三熱

癢病不消四不引食五眼不明五分律云嚼

已應洗弃之以恐垂食死故又三千威儀云
用楊枝有五事一斷當如度二破當如法三
嚼頭不得過三分四梳齒當中三齒五當汁
澡自用刮舌有五事一不得過三反二舌上
血出當止三不得大振手汚僧伽梨若足四
弃楊枝莫當人道五當著屏處

鳴鐘緣第九

如付法藏經云時有國王名罽昵吒貪虐無
道數出征伐勞役人民不知厭足欲王四海
戍備邊境親戚分離若斯之苦何時寧息宜
可同心共屏除之然後我等乃當快樂因王
病虐以被鎮之人坐其上須臾氣絕由聽馬

鳴比丘說法緣故生大海中作千頭魚劔輪
迴注斬截其首續復尋生次第更斬如是展
轉乃至無量須臾之間頭滿大海時有羅漢
爲僧維那王即白言今此劔輪聞捷槌音即
便停止於其中間苦痛小息唯願大德垂哀
矜愍若鳴捷槌延令長久羅漢愍念爲長打
之過七日已受苦便畢而此寺上因彼王故
次第相傳長打捷槌至於今日猶故如本
述曰旣知經意鳴鍾濟苦兼以集衆即須維
那將欲打鍾斂容合掌發願利生之意因鍾
念善便共受苦畢又增一阿含經云若打鍾
時願一切惡道諸苦並皆停止若聞鍾聲兼

說偈讚得除五百億劫生死重罪

除伏魔鬼怨 除結盡無餘 露地擊捷槌

比丘聞當集 諸欲聞法人 度流生死海

聞此妙響音 善當來集此

又雜喻經說偈云

聞鍾卧不起 護塔善神瞋 現在緣果薄

來報受蛇身 所在聞鍾聲 卧者必須起

合掌發善心 賢聖皆歡喜

洪鍾震響覺群迷 聲遍十方無量土

含識群生普聞知 拔除衆生長夜苦

六識常昏終夜苦 無明被覆久迷情

晝夜聞鍾開覺悟 怡神淨刹得神通

入衆緣第十

如四分律云凡欲入衆當具五法一應以慈心二應自界下如拭塵巾三應知坐起法若見上座不應安坐若見下座不應起立四彼至僧中不爲雜說談世俗事若自說若請他說五若見僧中不可事心不安忍應作默然住之故智度論云佛聖弟子住和合故有二種法一賢聖語二賢聖默今見齋會之處後生前到已得上好之處若見上座老師都不起迎逆遜讓坐處汚法之深寔由年少復見向他貴勝之家或經新喪重孝爲考妣遠忌在會道俗放情歡笑喧亂大衆豈免俗譏高

僧之類又三千威儀經云凡欲上床當具七
法一詳踞床二不得匍匐上三不使床有聲
四不得大拂床有聲五不得大吒歎息思惟
世事六不得狗群卧七應以時節早起又地
持論云若見衆生當慰問歡顏先語平視和
色正念在前若菩薩知他衆生有實功德以嫌
恨心不向人說亦不讚歎有讚歎者不唱善哉
是名爲犯衆多犯是犯深汙起故梁攝論云
菩薩若見衆生當歡笑先言然後共語故五
分律云不忍辱人有五過失一兇惡不忍二
後悔恨三多人不愛四惡聲流布五死墮惡道
衰相緣第十一

如分別緣起初法門經云世尊告曰老有五
種衰損一者鬚髮衰損以被鬚髮色變壞故
二者身相衰損形色膚力皆衰損故三者作
業衰損發言氣上喘息愈急身顫掉故住便
僂曲以聳脊皆無力故坐即低屈身羸弱故
行必按杖身虛劣故凡所思惟知識愚鈍念
昏亂故四者受用衰損於現資具受用劣故
於戲樂具一切不能現受用故於諸色根所
行境界不能速疾明利而行或不行故五者
命根衰損壽量將盡隣近死故遇少厄緣不
堪忍故又阿含經云頭白有四因緣一者火
多二者憂多三者病多四者種早白人病瘦

有四因緣一少食二有憂三多愁四有病未
調有四事先不語人一頭白二老三病四死
是四事亦不可避亦不可却一切味不過八
種一苦二澁三辛四鹹五淡六甜七醋八不
了了味

眠夢緣第十二

如善見律云夢有四種一四大不和夢二先
見夢三天人夢四想夢云何四大不和夢答
眠時夢見山崩或飛騰虛空或見虎狼師子
賊逐此是四大不和夢虛而不實云何先見
夢答或晝日見或白或黑或男或女夜則夢
見是名先見夢此亦不實云何天人夢答善

知識天人爲現善夢令人得善若惡知識者
爲現惡夢此即真實云何想夢者答此人前
身或有福德或有罪障若福德者現善夢罪者
現惡夢如菩薩母初欲入母胎時夢見白象從
忉利天下入其右脅此是想夢也若夢禮佛
誦經持戒布施種種功德此亦想夢問夢爲
善不善無記耶答亦善不善無記若夢見禮
佛聽法說法此是善功德若夢見殺盜姪此
是不善夢若夢見青黃赤白色等此是無記
夢也問曰若尔者應受果報答曰不受果報
何以故以心業羸弱故不感報是故律云除
夢中不犯又迦延論云云何一切睡眠相應

耶荅曰或睡不眠相應如未眠時身不軟心
不軟身重心重身瞪瞢心瞪瞢身憤心憤身
睡心睡爲睡所纏是謂睡不眠相應云何眠
不睡相應荅曰不澌汗心眠夢是謂眠不睡
相應云何睡眠相應荅曰澌汗心眠夢是謂
睡眠相應云何不睡不眠荅曰除上余所事
問眠當言善不善無記耶荅曰眠或善或不
善或無記云何爲善荅曰善心眠夢云何不
善荅曰不善心眠夢云何無記荅曰除上余
所事如夢中施與作福持戒守齋如善心眠
時所作福當言餘福迴向是名善云何眠時
所作不福當言迴耶荅曰如夢中殺盜等如

不善心眠餘不福心迴是名不善云何眠時所作福不福不當言迴荅曰如眠時非福心非不福心迴如無記心眠時所作福非福不當言迴是名無記問夢名何等法荅曰是五蓋中無明蓋也又十誦律云有比丘衆中睡佛言聽水洗頭猶睡不可佛令比丘以五法用水洗袖一者憐愍二者不惱他三者睡眠四者頭倚墻壁五者舒脚坐猶睡不止聽以手振若故睡不止佛言聽以掬擲若故睡不止佛聽用禪杖若取禪杖時應生敬心以兩手提杖放戴頂上若坐睡不止應起看餘睡者以禪杖築築已還坐若無睡者還以禪杖著

本處以坐若故睡不止佛聽用禪鎮安孔焦
之以繩貫孔中繩頭施細掛耳上去額前四
指著禪鎮時禪鎮墮地佛言禪鎮墮者應起
座行如鵝行法

雜行緣第十三

如四分律云跋難陀比丘在道行持大圓

諸居士遙見謂是王若大臣恐怖避道諦視
乃知比丘白佛佛言比丘不應持蓋在道行
亦不應懸爲天雨時在寺內樹皮若葉若竹
作蓋亦不許捉王大扇若行患熱聽以樹葉
雜物作扇時諸比丘患蟲草塵露墮身上佛
言聽作拂若以草樹皮葉或以縷線裁碎繒

帛作時有比丘得尾拂佛言聽畜時有僧少
比丘不解時事數相涉聽用筭子記數又四
分律去時諸比丘自作伎若吹唄供養佛言
不應尔彼畏慎不敢令白衣作伎供養佛言
聽又佛言彼不知供養塔飲食誰當應食佛
言比丘若沙弥若優婆塞若經營作者應食
又薩婆多論云凡出家人市買之法不得下
價索他物得突吉羅罪眾僧衣未三唱得益
價三唱已不應益價眾僧亦不應與衣已屬
他故比丘三唱得衣不應悔設悔莫還眾僧
亦莫還直又新婆沙論問異生聖者誰有怖
耶有作是說異生是怖異生舊名凡夫聖者無怖所

以者何聖者已離五怖畏故五怖畏者一不
活畏二惡名畏三怯衆畏四命終畏五惡趣
畏又雜寶藏經云佛言此如意珠是摩竭大
魚腦中出魚身長二十八万里此珠名曰金
剛堅也有第一力耐使一切被毒之人見悉
消滅又見光觸身亦復消毒第二力者熱病
之人見則除愈光觸其身亦復得瘥第三力
者人有無量百千怨家捉此珠者悉得親善
諸天一爪甲價直一閻浮提人物又四分律云
時諸比丘患蛇入屋未離欲比丘恐怖佛言
聽驚若以筒盛棄之若以繩繫致地解放有
鼠入屋作檻盛出棄之患蝸蜈蚣蚰蜒入屋

若以弊物若泥團掃帚盛裏棄之在外解放
若房舍夜患蝙蝠晝患鸞鳥入佛言聽織作
籠踈障若作向櫺子遮時有老病比丘拾虱
棄地佛言不應尔聽以器盛若綿拾著中若
虱走出應作筒盛若虱出筒應作蓋塞隨其寒暑
加以臑食文四分律去時六羣比丘誦外道
將養之

安置舍宅吉凶符書呪枝節呪刹利呪知人生
死吉凶呪解諸音聲呪佛言不應尔彼教他
彼以活命故佛言皆不應尔

尔時世尊在毗舍離國時諸離奢乘象馬車
乘輦舉捉持刀劔來欲見世尊彼留刀杖在
寺外入內問訊世尊時諸白衣持刀劔來寄

諸比丘。藏畏慎。不敢受佛言。爲檀越堅牢固。
藏舉者聽。又五百問事。去不得口。吹經上塵。
像塵准之。雖非正經。然須慎之。亦不得燒。故
經得重罪。如燒父母。不知有罪者。輕又僧祇
律云。然火向有七事。無利益。一壞眼。二壞色。
三身羸。四衣垢壞。五卧具壞。六生犯戒。緣七
增。世俗話。又月上女。經云。維摩詰妻名曰無
垢。其妻九月生女。名爲月上。又佛說離垢施
女。經云。波斯匿王有女。名曰維摩羅達。晉言
離垢。施厥年十二。端正姝妙。極有聰慧。又轉
女身。經云。須達長者妻。名曰淨日。有女名無
垢。光頌曰。

雜務簡要 捨茲煩染 万行貞固 六塵方掩

烈烈霜心 昭昭玉臉 如彼瓊林 皎無瑕點

諸經要集卷第二十 楹

垂寓下字 嗔氣上音帝 宇宙又下直 浩博道一胡

大也廣 煥然上音喚 樞要上朱反 緝綴反上七入

連衛反也 一 偃僂上委于反 炮反蒲自 杯字盃 了知入

下音鳥 一 峽山上正 臃上音叟 眈上音叟 檻車下音忙

強下上倒懸 向反反 佺直上頂 杳杳遠之 自深

反上胡減 挾弓反上胡帖 社稷下音 絳汁上音降

六竅下孔也 苦也 婉上音 縷上音 絳下音 自赤色也

子委反紫 亦也 媯害上音 摩醯下音 齒齟反上 嚼反上 床楚反

也 約反下 才也 欲咽反下 吞於見也 杼氣反上 同神前也 甜味反上 添反

上音苦香反汪水積上烏光反錐刀追上質反灰虜音下

下音良反鹵淘蕩作上音桃正腋脇音亦手腕管下烏反

皂莢帖下反古痰癢反上音談水下於禁刮俱八罽泥反

上居虐魚却反戍詩注反邊病虐疑下與却反寒

也病捷植直上音軋下遜讓恭順也反憤心俱妹反手

振下直觸也耕反擲擲六反毛丸也築憤吹唄主下

一也標掃帚下上蘇到反蝠蝠二邊音福向樞靈下音

窻窻也也標摩詰一下起反姝妙反上昌朱也瞼音儉眼也

窻窻也也標摩詰一下起反姝妙反上昌朱也瞼音儉眼也

